

اسلام مجیدی

شعاری : « دینی برہیات ، صیانتی بروریہ » در .

پیل ۱ - صیانتی ۱۷
۲۸ مجرم الحرام ۱۳۳۳
۴ کانون اول ۱۳۳۰
جلد ۲
مدیری : حلیم ثابت

بر جمیع عائد مؤسسه و عملیه لرك اجتماعي طبیعتند ده بر طاقم قیمت حکملری
 چیقاریرز . کیفیت حکملری ناصل بر وجود خارجینک معکسی ایسه ، قیمت
 حکملری ده اوله در . فرد اشیانک کیفیتلرینی یاراته مدینگی کبی ، قیمتلرینی ده خلق
 ایده من . کیفیتلر مادی طبیعتدن صادر اولدینگی مثلی قیمتلر ده اجتماعی شأنیتک بر محصول
 طبیعیدر . فرد کرك او کیفیتلری ، کرك بو قیمتلری کشف ایدر ، فقط
 ابداع ایده من ؛ طبیعتک قانونلرینی کشف ایدن انسانلر قوای طبیعییه حاکم
 اولدقلری کبی ، جمعیتک قانونلرینی ادراک ایله یین فردلر ده قوای اجتماعیه یی
 سوق و اداره ایده بیلرلر . فردک جمعیتده کی مؤثریتی ، طبیعتده کی حاکمیتک
 عینیدر . یعنی ایکنجیسی طبیعتی بیلیمکه قابل اولدینگی کبی ، برنجینی ده جمعیتی
 طایفه مملکدر . جمعیتی تشکیل ایدن مؤسسهلر ایمان اجتماعییه مستند بر سور و
 قیمتلرک مجموعندن عبارتدر . بو قیمتلر دینی ، اخلاقی ، حقوقی ، اقتصادی ،
 بدیعی ، لسانی دییه بر طاقم صنفلر آریلیر . بو قیمتلرک هیچ بریسی نه ماده نک
 طبیعتدن ، نه ده فردک فطرتندن صادر اولمش دکلدر ؛ هپسی جمعیتک ایمانندن
 تولد ایش و اونک وجداننده یاشامقده در . جمعیتلر بر طاقم نوعلره ، جنسلره
 منقسم اولدینغندن هر جنسه ، و هر نوعه عائد جمعیتلر ایچون باشقه باشقه قیمتلر
 واردر . کله جک نسخه ده بو اجتماعی جنسلری و نوعلری ایضاح ایده جکر .

کوک آب

تقدیر و تقریض

« قیزیل آلمان ، کتابنه دائر ا . . . »

دنیا، کی بوتون مسلمانلر قارده شدرلر . « اتحاد اسلام » دینیان بویوک
 و معنوی رابطه خیریتیانلغه قارشی « اسلام بین المللیتی » حالده دائما موجوددر .
 مسلمان بر ملته و وریلان ضربه ، بوتون دیگر مسلمان ملتلری متأثر ایده ر .
 بو کونکی جیهاد اکبرده کورولن هیجان و عصیت بو « اسلام بین المللیتی » نک
 قوت و عظمتنه شاهددر . مسلمان ملتلر کتدیبلرینی ادراک ایدوب قوتلندکجه ،
 قوتلنوب مادی و معنوی ترقی ایتدکجه « اتحاد اسلام » دها زیاده فیض بولا جق

و بر کون ارض اوزرنده هیچ بر مسلمان فرد خیرستانلرک اسیری اولمایا جقدر.
ملی انکشاف عادتاً دینی بر وظیفه‌در. چونکه قوتلنمک و دیگر مسلمان
ملتله بر اشمک، اونلری ذلت و اسیرلکدن قورتارمق دیمکدر. دین،
ملتلرک سلامتی ایچون اللهیز طریقندن احسان بویورولمشدر. او حالدیه دینسز
بر ملت اولمادیغی کبی ملتسز بر دین‌ده تصور اولوناماز.

مسلمان اولان یوز میلیونلرک تورک ملتیی اویاندیرمق، برلشدیرمک «اتحاد
اسلام» یعنی «اسلام بین‌المللیتی» ایچون اک بویوک بر خدمتدر. تورک ملتیی
طبیعی قوت و مکننتی قازانیرسه ارتیق دنیاده نه عرب، نه فرس، نه بربری
هیچ بر مسلمان اسیر قالماز، استقلال و حاکمیتیه نائل اولور. تورک ملتیی بالذات
اسیرلکدن قورتولنجه ایلک دوشونه جکی شی دیگر دین قازده‌شیرینک استقلال
و حریتی اولاجقدر. بو کونکی ضعیف حالده‌بیله باشقه برشییی دوشونیور؟
یازیق تورک ملتیک ملی و دینی مقصدینی سزمه‌ین غافلره...

**

«اتحاد اسلام» حرکتک اک جانلی بر رکئی اولان ذتورککک جریانی،
بو کون بزه یکی بر کتاب کتیردی: قیزیل ألما... حجمی کوچوک فقط معناسی
بک بویوک اولان بو کتیا بقی تورکککک مسلمانلقدن باشقه و آیری برشی اولمادیغی
بزه تکرار کوستردی. ایچنده ماصاللر، قوشمه‌لر، داستانلر بولونان بو منظوم
اثر باشدن باشه بر شعر... تورکککک ماضیستیی، حالیی، استقبالیی ترنم ایدن
بر شعر! مثلاً ماصاللردن «بولوان ولی» نی اوقویکیز بر تورک پهلواننک بر کفر
دیارنده مسلمانلق نشریتیه دأتردر. بویله باشلار:

هند سلطانی طویلایه‌رق بر کون اولو بر دیوان
وزیرلردن صورتدی: «هیچ بر یرده هیچ بر پهلوان
طویدیکزمی «دیوینچه» یه اوستون اولسون یا آقران؟»
هپ صوصدیلر... بویوک وزیر قالدی، دیدی سلطانیه:
«پادشاهم! خوارزم ایله ده «بولوان ولی» آکیلیر
بریکیت وار، تورکستانده «کوچ تا کریسی» طانیلیر»

سلطان دیدی: «بلاکه تورکلر بوختند یاکیلر ،
 «دیونچه» نی کوندردلم، ایشی قویسون میدانه .»
 بوکوزل لسان ، بوکوزل آهنگله ماصال دوام ایدیور. سلطان بر مکتوب
 ویره رک دیونچه نی خوارزم شاهنه کوندیریور. و :
 دنیا پهلوانی شمدی به دک بو اردی ؛
 هر طرفک ارلرینی ایشته یرم بو سردی ،
 کلدی میدان او قویا جق سزک ولی پولوانه .
 دیور . فقط دیونچه نک آناسی دم یاتنده برابر کیدیور . چونکه بوقادین
 مسلماندر. اولادی ایچون رحمانه یالواریور. کوردهش اوله جغنی هر کس دویویور،
 بوتون خیوه اهالیسی سیرانه خاضر لانیور. فقط او وقت :
 خوارزم خانی هنوز اسلام اولماشدی، کاووردی ،
 «هانکی بری یکیلر سه آسیلا جق !» بویوردی ،
 وزیرلری : «پولوان ولی پوته طاپان بویوردی
 اسلامغه صوفقده در .» دیمشلردی قاغانه .
 پولوان ولی دعا ایتک ایچون کیزلی مسجده کیدیور . اوراده بر قادینک
 آغلادیغنی کوروویور . بوقادینک دعاسنی ، نیازی دیکله یور و آکلایور که
 کورده شه جکی پهلوانک اناسیدر :
 «بر تانه جک اولادمدر . آجی بکا ، اللهم !
 اودر بنم کوکلم ، جانم ، محبتم ، پناهیم !
 نه اونک بر قباحتی وار ، نه بنم کناهیم ،
 قیما بویله بیک پیاده پر یقشمه یین ارسلانه .
 قیما اسلام یکتیدر ، محمدک آرسلا نی ،
 سندن آلمش بو قوتی ، بو کوده نی ، بوجانی ...
 سنک عرشک دکلیدر ، اونک تمیز وجدانی ؟
 قیما که بر مجاهددر وقف ایتشم قرآنه .»
 بو یالواریش پولوان ولینک قلبنده بر فراق اویاندیریور. کوزلرندن یاشلر
 آقور . دیور که :

«... تا کریم! بواختیار قادین بندن مستحق،

دعاسی قبول آیه بن راضی یم خسرانه!»

نهایت کوردهش کونی کلیور، تللالر چاغرییور، خلق طوپلانیور، ایکی
پولوان قارشی قارشی به کلیورلر، پولوان ولی نیتی اونوتارق بردن صالدرییور،
ده میر بیلکریله دیونچیهی هوایه قالدیرییور، صوکره براز دورویور، کندیسنی
قصد آیره وورییور.

تک بو یوزدن بر دیندایشی اوغراماسین زیانه.

دیه...

قاغان پولوان ولی ایچون:

— هایدی تولدوریکز!

دیرکن آتی آلتده شاخلانیور، یاقینده کی اوچورومه جان آتیور،
پولوان ولی بر حمله ده یاره آتیلان آتی طوتویور، هوایه قالدیرییور و کوتوروب
آلتون ایوانه قویویور، بو مدھش قوت قارشینده پادشاه و هرکس شاشیور.
بو حیرتک سری آکلشینجه پادشاه تبعه سیله برابر حق دینی، مسلمانلغی
قبول ایدیور:

سیرجیلر هپ طوندیلر... کوکلری بر حیرت

قابلامشدی: معجزه می یوقسه بو بر کرامت!

قاغان کلدی، دیدی: «آرتق طورمق اولماز، آی ملت

بن اسلامی قبول ایتدم، سزده کلک ایمانه!»

و بو کوزمل ماسال بویله بیتیور:

پولوان ولی سۆینه رک بو الهی ارشاده

صحرالره قوشدی، کیتدی عاجزلره امداده؛

اوزمانکی بوتون تورکلر بو پنجه سی پولاده

بورجلودرلر چونکه خضر اولمش ایدی تورانه...

بوندن داهابدیغ بر مسلمان ادبیاتی اولورمی؟ هانکی بر اثر، دینی برهنگامه یی

بو قدر ساده و بسیط بر آغشکه یزه سویلر؟

توحید... قیزیل المانک اُک بویوک ، اُک یوکسک شعری بودر . شمدی یه
قادر هیچ بر قلم توحیدک بویوک حقیقتی بو قادر قیصا و موجز یازاماشدر .
تکرار اوقویارق ، تکرار یازارق روحی حظلاتدیرمق ایچون بو علم و شعر
خارقه سنی عینله بورایه نقل ایدیورم :

توحید

تا کریمز بر تک آله ،
یوق بزه باشقه پناه ،
ایکی یه طایبق کناه
لا اله الا اه !

یورتده برقچ جان اولماز ،
بزدن چوق وجدان اولماز ،
اورتاقلی جاتان اولماز ،
لا اله الا اه !

کووده لرده کثرت وار ؛
کوکلرده وحدت وار ،
فردلر یوق ، جمعیت وار ؛
لا اله الا اه !

قالقار ، روحلر بر یرده
اولونجه ، قلبدن یرده ؛
بر کوز دوغار ایچرده !
لا اله الا اه !

بر کوزکه یزدان اودر ،
ملت او ، وطن اودر ؛
عرف ، اجماع ، قرآن اودر !

لا اله الا اه !

محمد رسول اه !..

قرآنك ، اجماعك ، عرفك ، وطنك ، ملتك نه اولديغنى بيلنلر بو شعرى
اكلارلر . ياخود بو شعرى اكلایانلر اونلرك نه اولديغنى بيلرلر . قیزیل المانك
أك كوزدل بر اینجیسی ده شو دینی شعردر كه بزه جهادی ، یاقین بر استقبالد
دینمرك و ملتكمزك غلبه سنى مؤدهلر :

توركك تكییری

حقك مرادی ،
خلقدن فیرلادی ،
آچدق جهادی .
الله اكبر ...
اويدق سنجاغه ،
كلدك اوزاغه ،
أسكى طوپراغه ،
الله اكبر ...
قایناشدی قانلر ،
آكلاندى خانلر ،
برلشدى جانلر ،
الله اكبر ،
ولله الحمد ...

ایسته بو تورك عسكركنك تكییریدر . اوزاقده کی ، موسقوفلرك پنجهلری
و چیزمهلری آلتنده اسیر اولان او مللمان تورانه بزم عسکرلریمز بو تکیری
کتیرهرك کیده جکلر . اورالرده کی کفری ییقوب قرآنك سونمه یه ن شعله سنى
تکرار آلوندیره جکلردر .

صوکرأ شاعر « الهی » سنده توركلكله مسلمانلغی او قادار مزج ایتش که
انسان بو ایکی قدسیتك بردن باشقا برشی اولمادیغنه قناعت کتیریور :

یوجا تا کوی ! بزه پاك بر یوردك ویر
تمیز عشقه سومك ایچون وطنی !

حدود امین دکل ، بر تونج بیلک ویر
او ازمه دن ، بز ازم دشمنی !

هالاه خاچه یکلمین ، آمین !
تورکک یتدی دنیلیمین ، آمین !

.....

یوجا تاگری ! بزه دوغرو عرفان ویر ،
مدنیت اکیک : تمام ایدهلم !
بر نورلو دین ، بر آتلی ایمان ویر ،
یولدن چیقان خلقی اسلام ایدهلم !
یولداشمز اذعان اولسون ، آمین !
رهبرمز قرآن اولسون ، آمین .

**

عسکر دغاسی . . . بومسلماندن باشقا برشی اولمایان تورکک اک صمیمی ،
اک دینی و مقدس براملنک ترانه نیدر :
آلده توفک ، کوکلده ایمان
ذیلکم ایکی : دین ایله وطن . . .
اوجاغم اوردو ، بویوک سلطان ،
سلطانہ امداد ایله یاربی !
عمرخی مرزاد ایله یاربی !
یولز غنا ، صوکی شهادت ،
دینمز ایستر صدق ایله خدمت ،
انامز وطن ، بابامز ملت ،
وطنی معمور ایله یاربی !
ملتی مسرور ایله یاربی !
سنجاغم توحید ، بایراغم هلال ،
بریمی یشیل ، اوتہ کیسی آل ،
اسلامه آچی ، دوشماندن اوج ال ،

اسلامی آباد ایله یاربی !

دوشمائی بر باد ایله یاربی !

قوماندان ، ضابط بابالریمز ،

چاووش ، اوتباشی آغالریمز ،

صیره و صایغی یاسالریمز ،

اوردوی دوزکون ایله یاربی !

سنگاجی اوستون ایله یاربی !

جنک میداتشده نیجه قوچ یکیت

دین و یورد اوغرنده اولدیله شهید ،

اوجاغی توتسین ، سونمه سین امید ،

شهیدی محزون ایتمه یاربی !

صوینی زیون ایتمه ، یاربی !

« حیات بولنده ، عنوانلی شرک شو اوج قطعه سی تورکک مسلمانلقدن

باشقا یرشی اولمایان عالی فلسفه سنی بزه نه واضح کوستریور :

« وارلق نه در ؛ صور مقسزین یاشانماز میدی ؟

بوسریگی فاش ایتسه یدک روح قانماز میدی ؟

کوکل اویور اولسه یدی هیچ اویانماز میدی ؟

کوزلریمی بر داغیلماز دومانده بولدم .

ییلدیزلره باقدم ، سندن خبر کورمدم ؛

سنی آرارایکن بیلسه ک نه لر کورمدم ؛

یری قات قات سوزدم ، سندن اثر کورمدم ؛

بر وجدانده سنی ، برده قرآنده بولدم .

حقیقتک یوزنده کی سیاه دوداغی

آچامادم ، طوتامادم قاچان آراغی ،

تسلیمکده ، فراغته کوردم فراغی ،

آمان طلب ایدوب اونی ایمانده بولدم . »

« عثمان غازی قورولتاید » عنوانلی شعر ملمان و تورک هیتمزک عمدہ سنی ،
مفکوردہ مزى ، سیاسى و اجتماعى غایہ مزى مختشم تاورنجک بر آئندہ طویلور .
عثمان غازى ایله ، قورولتای بر برلرینه خطاب ایدیور . ایشتہ بو خطابلردن بر یسی :
عثمان غازى :

بر آلدہ یاسامز ، بر آلدہ قرآن ،
صاحه جغز عدلی هریرده ، هر آن ،
تورککلکه اسلاملق قاردهش اولاجق ،
فرق ایدیلجهک خلیفه ، قاآن . . .
قورولتای :

سنجاغمز آل ،
دامغاسی هلال ،
اوستی یازلی
لنظہ جلال . . .

« شهید حر مى » عنوانلی شعرک شو صوک پارچاسی تورک آنالرینک صاف
قلبلرنده کی اسلاملق هیجاتی نه بارز و نه لطیف بر سحر ایله کوستریور :
اویو یاوروم ، شهسندہ خاج یاتان
جامعلر وار . بومی سنی اغلاتان ؟
طیانا ماز جیکنه نمکه بو وطن .

جامعلره کوتور هلال ، تی !
هم یوردی ، هم اوجنی آل ؛ تی !

..

« قزیل ألما » مبدعى بزه ملیتمز کی دینمزی ده سودیریور . بربرینک لازم
غیرمفارق اولان بو ایکی اجتماعى و الهی مؤسسہ نک برینی اھال ایله دیکرینی
تخریب و نتیجه اولارق ایکیسینی ده احایتمک خطاسنه دوشمیور . ملت : وجود ،
دین : روح . . . روح ایله وجودک امتزاجی ناصل غریزی حیاتی میدانه
کتیریورسه دین ایله ملتک امتزاجی ده اجتماعى حیاتی دوغریور . او بیلیورکه

روحسز بروجودك دنياده ناصل وظيفه سی فالمامشسه دینمز بر ملتكدده دنياده
 یاشامغه حق و قوتی یوقدر. ملتسز دین اولامادیغی کبی دینسز برملتده اولاماز.
 دینی یاخود ملتیی اھمال ایدنلره اصناف دستاننده :

ای بکلهر خوجالر ! آرتق اویانك،

صیردیکز ، یاریسی کتدی وطنك ،

« بوکا سبب بز » دیک ، اوتانك ،

دوشونك محشرده دیوانمز وار . . .

دیور . قیزیل ألما ، بوکوچوك كتاب دینیی وملتینی سومنلرایچون اك بویوك
 برادرر . هله شاعرك التون دستانی و دیگر دستانلری دوغرو پاك بر روحك
 اونوتولایاجق غلیانلریدر .

موسقوفك اولککسی ویران اوله جق !

تورکجه بویویوب توران اولاجق !

دیه بزه الهی بر مزده ویره « قیزیل دستان » باشلی باشنه نفیس برادرر.
 شاعر عمومی حربك ناصل باشلادیغی بزه او کندینه مخصوص صاف و تمیز
 تورکجه ایله آکلاتیور :

نه ایچون بو ایشلر چیقدی میدانه

اکلاتهیم ، قازدهش ، بن اونی سکا

صلیب دیدی : « آمان یوقدر قرانه »

محمد امتی تالان اولاجق !

تاریخك بو فصلی یالان اولاجق !

**

بزه ایلک دفعه اولارق کندی صمیمی لسانمزله ، کندی وزنمزله یازیش
 بر شعر کتابی ویرن مبدعه تشکر ایتلی یز. بوکوچوك کتابله تورکلك جریاتنك،
 دینی و ملی انتباهك نورلو یوللرینی داها آچیق و واضح کورمش اولویورز .
 آرتیق هر اویانان روح بویوك بر استقبال و سعادت وعد ایدن بو بویوك خیره
 دوغرو یوروویه جك ، قراکقلردن آیدینلغه ، غفلتدن عرفانه دوغاجق ، نهایت
 یکی و شعورلی حیاتك لایتاهیلکنی آکلایه جقدر .

ع .